

59. Bréf dómsmálastjórnarinnar til stiptsyfirvaldanna á Íslandi, um skuld til prentsmiðju Íslands fyrir prentun alþingistíðindanna. 1863.
13. júlím.

Í bréfi 21. maím. þ. á. hafið þér, herra stiptamtmaður, og þér, háæruverðugi herra, lýst því yfir, að þér eigi getið fallist á uppástungu Jóns Guðmundssonar, setts málaflutningsmanns við yfirréttinn, er var forseti á alþingi árin 1859 og 1861, um þær 200 rdl. eptirstöðvar, sem prentsmiðja landsins enn á útistandandi fyrir prentun alþingistíðindanna hið fyr greinda árið, en sú uppástunga lýtur að því, að prentsmiðjan skuli gjöra sig ánægða með að fá helminginn af skuld sinni, eður 100 rdl. Um þetta efni skal yður kunngjört, að dómsmálastjórnin verður að yfirláta yður að neyta laga og réttar á þann hátt, sem yður virðist þörf á, til að fá borgaða þá 200 ríkisdali, sem hér er um rætt.

60. Bréf dómsmálastjórnarinnar til Stefáns Thórarensens, sýslumanns í Eyjafjarðar sýslu, um að hann sé einnig skipaður bæjarfógeti á Akureyri. 13. júlím.

Eptir þegnlegum tillögum dómsmálastjórnarinnar hefir hans hátign konunginum þóknast 8. dag þ. m. allramildilegast að útnefna yður, herra sýslumaður, til einnig að vera bæjarfógeti í kaupstaðnum Akureyri, og að fallast á, að yður sé gjört að skyldu að gangast undir hverja þá breyting, sem í embættistíð yðar kynni verða á embættinu, einkum með tilliti til þess, ef seinna meir kynni þykja ástæða til að stofna sérstakt bæjarfógetaembætti í kaupstaðnum Akureyri.

Um leið og yður er kunngjört þetta, skal þess getið, að veitingarbréf yðar, sem þér eptir úrskurði konungs fáið ókeypis, verður sent amtmanninum yfir norður- og austurumdæminu, til þess að hann komi því til yðar; en með bréfi þessu fylgir eyðublað fyrir embættiseið, sem þér eruð beðnir að útfylla og undirskrifa og senda síðan hingað. Veitingarbréf yðar ber yður að þinglesa á vanalegan hátt, þegar þér eruð búnir að fá það

1863. frá amtmanni, og senda síðan dómsmálastjórninni skýrteini um
13. júlím. þinglesturinn.

13. júlím. **61. Bréf dómsmálastjórnarinnar til stiptamtmannsins yfir Íslandi, um útborgun styrks þess, sem veittur er yfirsetukonum.**

Þaræð það er erviðleikum bundið fyrir yfirsetukonur í Eyjafjarðarsýslu að fá í tækan tíma útborgaðan úr jarðabókarsjóði Íslands styrk þann, sem þeim er veittur í fjárlögum á ári hverju, þá hefir sýslumaðurinn í greindri sýslu farið þess á leit, að hlutast verði til um, að landfógetinn borgi honum styrk þenna og skuli hann kvitta fyrir.

Með því nú ekkert er þessu til fyrirstöðu frá stjórnarráðsins hálfu, skorar það á yður, herra stiptamtmaður, að segja landfógetanum á Íslandi svo fyrir, sem með þarf, í þessu efni.

13. júlím. **62. Bréf dómsmálastjórnarinnar til stiptamtmannsins yfir Íslandi, um laun lögregluþjóna í Reykjavík m. m.**

Eptir tilhlutun dómsmálastjórnarinnar hafið þér, herra stiptamtmaður, í bréfi 21. maím. þ. á. sagt álit yðar um skjal nokkurt, er sent hafði verið beina leið til dómsmálastjórnarinnar; í því skjali hafa þeir Árni Gíslason og Alexius Árnason, lögregluþjónar í Reykjavíkur kaupstað, kvartað yfir því, að Steenberg, fimleikskennari við hinn lærða skóla, hafi enn á hendi störf yfirrættarþjónsins og fangavarðarins þar, og fái laun þau og hlunnindi, er þeim störfum fylgja, þrátt fyrir það þó hann fyrir löngu sé hættur að vera lögregluþjónn, og greind störf eigi að vera sameinuð lögregluþjónsstörfunum; svo hafa þeir og sótt um að fá árlega viðbót við laun sín; einnig hefir Alexius Árnason borið sig upp yfir því, að hann ekki hafi fengið neitt svar upp á bréf, er hann áður hafði ritað stjórnarráðinu, um að fá launaviðbót eptir kornverði.

Um þetta efni skal yður nú kunngjört, að hin síðast nefnda umkvörtunin verður að álitast að vera ástæðulaus, þarsem hlutað-